

四庫全書

子部

欽定四庫全書

御定淵鑑類函三百九十二

食物部五 酒

酒一

原說文曰酒就也所以就人性之善惡也一言造也言
凶所起造也 又曰醑酒母也醴酒一宿熟也醪汁滓
酒也酎三重之酒也醕薄酒也醕首酒也 釋名曰酒
酉也釀之米麴酉懌而味美也 增飲膳標題曰酒一

也而清濁厚薄甜苦紅綠白之別故清者曰栗清而甜者曰醅濁者曰醢亦曰醢濁而微清者曰醢厚者曰醇亦曰醢重釀者曰醢三重釀曰酎薄者曰醢甜而一宿熟者曰醢美者曰醢苦者曰醢紅者曰醢綠者曰醢白者曰醢又有酒材焉秫稻是也又有酒母麴蘖是也又曰跖也能否皆強相跖持也又入口咽之皆跖其面也酒經曰空桑穢飯醢以稷麥以成醇醪酒之始也烏梅女麴甜醢九投澄清百品酒之終也易曰有孚

于飲酒濡其首 書曰甘酒嗜音峻宇雕牆 又曰民
用大亂喪德亦罔非酒惟行越小大邦用喪亦罔非酒
惟辜 又曰文王誥教小子有正有事無彝酒 原詩
曰為此春酒以介眉壽 又曰魚麗于留鰾魛君子有
酒旨且多 又曰為酒為醴烝畀祖妣以洽百禮 增
又曰凡此飲酒或醉或否既立之監或佐之史 又曰
人之齊聖飲酒溫克 又曰王在在鎬豈樂飲酒 又
曰有酒湑我無酒酤我 原周禮曰酒人共賓客之禮

酒飲酒而奉之 又曰酒正掌酒之政令以式法授酒

材辨五齊之名一曰泛齊二曰醴齊三曰盎齊四曰醕
齊五曰沈齊辨三酒之物一曰事酒二曰昔酒三曰清
酒 增又曰孟冬命大酋秫稻必齊麴蘖必時湛熾必
潔水泉必香陶器必良火齊必得兼用六物大酋監之
無有差忒 原禮記曰豢豕為酒非以為禍而獄訟益
繁則酒之流生禍也是故先王為酒禮一獻之禮賓主
百拜終日飲酒而不得醉焉此先王之所以備酒禍也

又曰飲酒之節朝不廢朝暮不廢夕 增又曰侍飲
於長者酒進則起拜受於尊所長者辭少者反席而飲
長者舉未醕少者不敢飲 論語惟酒無量不及亂沽
酒市脯不食 韓詩外傳曰夫飲之禮不脫屨而即序
者謂之禮跣而上坐者謂之宴能飲者飲之不能飲者
已謂之醕 歐叶 齊顏色均衆寡謂之沈閉門不出者謂
之酒故君子可以宴可以醕不可以沈不可以酒 春
秋緯曰酒者乳也王者法酒旗以布政施天乳以哺人

又曰麥陰也黍陽也先漬麴而投黍是陽得陰而沸

故以麴釀黍為酒 又曰凡黍為酒陽據陰乃能動故

以麥釀黍為酒 原春秋元命苞曰酒旗主上尊酒所

以侑神也 儀禮鄭注曰醴稻米酒也 漢書曰百味

旨酒芬布蘭生 輿地志曰若溪在長興縣南溪南曰

上若北曰下若邗人取下若水釀酒醇美勝雲陽 國

史補曰滎陽之土窟春富平之石梁春酒色也 呂氏

春秋曰肥肉厚酒務以相強命曰爛腸之食 增石氏

星經曰酒醪五齊之屬天文酒旗星主之 揚子曰日

是不飲酒酒必酸賓主百拜而酒三行不已華乎 論

衡曰東風至酒湛溢按酒味酸從東方木也味酸故酒

湛溢也 十洲記曰瀛洲有玉膏如酒味名曰玉酒飲

數升輒醉乃令人長生 原神異經曰西北海外有人

長二千里兩脚中間相去千里腹圍千六百里但日飲

天酒五斗

天酒甘露也

不食五穀魚肉忽有飢時向天乃飽

好遊山海間不犯百姓不干萬物與天地同休 又曰

西北荒中有玉饋之酒酒泉注焉酒美如肉清如鏡其

上有玉樽取一樽復一樽出與天地同休無乾時飲此

酒人不死長生 博物志曰西域有蒲萄酒積年不敗

彼俗傳云可至十年欲飲之醉彌日乃解 抱朴子曰

麟鳳洲以玉泉為醪醴 崔氏四民月令曰正月旦進

椒酒降神畢各舉椒酒於其家長 袁子正論曰長安

九釀中山清醕 郭子曰三日不飲酒覺形神不復和

酒自引人入勝地耳 齊民要術曰桑落酒有六七投

者酒以投多為善要其麴力相及醪酒所以有韻者亦
以其再投故也 白孔六帖曰糯米一斗得酒一斗為
上樽粳米一斗得酒一斗為中樽粟米一斗得酒一斗
為下樽 增霏雪錄曰河東桑落坊有井每至桑落時
取水釀酒甚美故名桑落酒 嶺表錄異曰南中醞酒
即先用諸藥別濁漉粳米漉乾旋入和米搗熟即綠粉
矣熱水澆而團之形如餠飣以指中心刺作一竅布放
簞席上以枸杞構葉卷之其體候好弱一如造麴法既

而以藤蔑貫之懸於煙火之上每醞一年用幾箇餅子
固有恒準矣南中地煖春冬七日熟秋夏五日熟既熟
貯以瓦甕用糞掃火燒之投荒雜錄曰新州多美酒
南方不用麴蘖杵米為粉以衆草兼胡蔓草汁漉大如
卵置蓬蒿中蔭蔽經月而成用此合濡為酒故劇飲之
後既醒猶頭熱演演有毒草故也又曰南方飲酒即
實酒滿甕泥其上以火燒方熟不然不中飲既燒即揭
瓶趨虛泥固猶存沽者無能知其美惡就泥上鑽小穴

可容筋以細筍插穴中沽者就吮筍上以嘗酒味俗謂之滴淋無賴小民空手入市徧就酒家滴淋皆言不中取醉而還 又曰南人有女數歲即大釀酒既漉候冬陂池水竭時寘酒甕密固其上瘞於陂中至春漲水滿不復發矣候女將嫁因決陂水取供賓客南人謂之女酒味絕美居常不可致也 真臘風土記曰美人酒於美人口中含而造之一宿而成尤奇 野客叢書曰真州郡齋舊有酒名花露姚合詩味輕花上露色似洞中

泉得非取此乎 避暑錄話曰舊有釀法盛夏三日輒

成色如漣醴不減玉友每晚涼即飲三杯亦復盎然

酒譜曰凡酒以色清味重為聖色如金而醇苦者為賢

色黑味酸醜者為愚以家醪糯釀醉人者為君子以家

醪黍釀醉人者為中人以巷醪黍釀醉人者為小人

又曰飲器大者曰武小者曰文 醉鄉日月曰或有勇

於牛飲者以巨觥沃之既撼狂花凋病葉飲流謂目眊

者為狂花目睡者為病葉 又曰暑月雷霆時收雨水

淘米炊飯釀酒名曰霹靂酒 又曰酒徒謂不飲者歡

場之害馬 醉仙圖記曰凡醉有所宜醉花宜晝襲其

光也醉雪宜夜消其潔也醉樓宜暑資其清也醉水宜

秋泛其爽也 又曰祿州俗釀宜趁梨花時熟號梨花

春 致虛散錄曰山居嵐重每旦帶皮薑細嚼熟酒下

之 楚辭曰蕙肴烝兮蘭藉奠桂酒兮椒漿注曰切桂於酒中

又曰四酎并熟不盟噍只清馨凍飯不歡役只吳醴

白蘖和楚瀝只 魏文帝詔朝臣曰蒲萄釀以為酒過

之流涎咽唾况親飲之 又曰蓋聞千鍾百觚堯舜之
飲也惟酒無量仲尼之飲也姬旦酒肴不徹故能制禮
作樂漢高婆婆巨醉故能斬蛇鞠旅

酒二

原世本曰儀狄始作酒醪變五味少康作秫酒 增三
禮圖曰射為罰爵名豐作人形豐國名其君以酒亡因
戴孟以戒酒故崔駰酒箴云豐侯沈酒荷嬰負缶自僂
於世圖形戒後 管子曰齊桓公飲管仲酒仲棄其半

曰臣聞酒入舌出舌出言失言失身棄臣以為棄身不
如棄酒 左傳曰陳公子完奔齊飲桓公酒樂公曰以
火繼之辭曰臣卜其晝未卜其夜 韓子曰齊桓公飲
酒醉遺其冠恥之三日不朝管仲曰此非有國之恥也
公胡不雪之以政公曰善因發倉賜貧窮論圉圉出薄
罪處三日而民歌之曰公胡不復遺冠乎 原史記曰
晉擊秦穆公傷於是岐下食善馬者三百人馳冒晉君
圍遂脫穆公而返生得晉君初穆公亡善馬岐下野人

共得而食之者三百餘人逐得欲法之公曰君子不以

畜害人吾聞食善馬肉不飲酒傷人乃皆賜酒而赦之

增左傳曰晉侯飲趙盾酒伏甲將攻之其右提彌明知之登曰臣侍君宴過三爵非禮也遂扶以下 原又

曰晉侯戰于鄆陵晉使行人執榼承飲造于子重曰寡

君之使鍼御持矛是以不得犒從者使某攝飲子重曰

夫子嘗與吾言于楚必是故也不亦識乎受而飲之免使者而復鼓 又曰穀陽豎獻飲于子反子反飲之而

醉不能見楚子遂宵遯敗楚軍也 王孫子曰楚莊王

攻宋子重曰君廚肉臭而不可食樽酒敗而不可飲而
三軍之士皆有飢色欲以勝敵不亦難乎莊王曰請有
酒投之士有食饋之賢 左傳曰晉侯以齊侯宴中行

穆子相投壺晉侯先穆子曰有酒如淮有肉如坻寡君
中此為諸侯師中之齊侯舉矢曰有酒如澠有肉如陵
寡人中此與君代興亦中之 又曰鄭伯有嗜酒為窟
室而夜飲酒擊鐘焉朝至未已朝者曰公焉在其人曰

吾公在壑谷 增又襄公二十三年曰李武子無適子

公彌長而愛悼子欲立之訪於臧紇曰飲我酒吾為子
立之季氏飲大夫酒臧紇為客既獻臧孫命北面重席
新樽絜之召悼子降逆之大夫皆起及旅而召公鉏使
與之齒 又曰衛侯占夢嬖人求酒于大叔僖子不得
與卜人比而告曰君有大臣在西南隅弗去懼害乃逐
大叔遺遺奔晉 又齊慶封好田而嗜酒與舍政則以
其內實遷於盧蒲癸氏易內而飲酒數日國遷朝焉

又曰齊惠樂高氏皆嗜酒信內多怨彊於陳鮑氏而惡之夏有告陳桓子曰子旗子良將攻陳鮑氏亦告鮑氏桓子授甲而如鮑氏遭子良醉而騁遂見文子則亦授甲矣使視二子則皆將飲酒桓子曰彼雖不信聞我授甲則必逐我及其飲酒也先伐諸陳鮑方睦遂伐樂高氏呂氏春秋曰勾踐欲深得民心肥甘弗敢自御有酒流之於江與民同之原戰國策云梁王魏嬰觴諸侯於范臺酒酣請魯君舉觴魯君興避席曰昔者帝女

令儀狄作酒而美進之禹禹飲而甘之遂疏儀狄絕旨
酒曰後世必有以酒亡其國者 史記曰齊威王問淳
于髡曰先生能飲幾何對曰臣飲一斗亦醉一石亦醉
王問故髡曰賜酒大王之前執法在前御史在后髡恐
懼飲不過一斗若乃履舄交錯盃盤狼籍堂上燭滅主
人留髡而送客當此時髡心最歡能飲一石 孔叢子
曰平原君與子高飲強子高酒曰昔有遺諺堯舜十鍾
孔子百觚子路嗑嗑尚飲百榼古之賢聖無不能飲吾

子何辭焉子高曰以予所聞聖賢以道德兼人未聞以飲也平原君曰即如先生言則此言何生子高曰生於嗜酒者蓋其勸勵之辭非實然也 史記曰高帝悉去

秦苛法為簡易羣臣飲酒爭功高帝患之叔孫通知上益厭也說上願徵諸弟子共起朝儀後七年長樂宮成羣臣皆朝十月禮畢復置法酒諸侍坐殿上皆伏尊卑次起上壽觴九行謁者言罷酒御史執法舉不如儀者輒引去竟朝置酒無敢失禮者高帝乃曰吾今知為皇

帝之貴也 增又曰曹參代蕭何為相一遵何約束日

夜飲醇酒卿大夫及賓客見參不事事皆欲言至者參
輒飲以醇酒醉而後去終莫得開說丞相舍後園近吏
舍吏舍日飲歌呼從吏惡之無如之何乃請參游園中
吏醉歌呼從吏幸相國召按之乃反取酒坐飲亦歌呼
相應和 西京雜記曰漢制以正月旦造酒八月成名
曰九醞一名醇酎 漢武內傳曰西王母當下帝設蒲
萄酒王母謂帝曰仙家上藥有玉酒瓊瑤酒 漢書曰

武帝立酒泉郡 原東方朔別傳曰武帝幸甘泉長平坂道中有蟲赤如牛肝頭目口齒悉具先驅馳還以報上使視之莫知也時朔在屬車中令往視焉朔曰此謂怪哉是必秦獄處也上使按地圖果秦獄地上問朔何以知之朔曰夫積憂者得酒而解乃取蟲置酒中立消賜朔帛百匹後屬車上盛酒為此也 增緝柳編曰縻欽棗出真陵山食一枚大醉經年不醒東方朔嘗遊其地以一斛進上上和諸香作丸大如芥子每集羣臣取

一九入水一石頃刻成酒味如醇醪謂之糜飲酒又謂之真飲酒仙薌酒香經旬不歇 西京雜記曰司馬相如還成都以所服鸛鵲裘就市易錢貫酒與卓文君為歡 漢書曰丙吉馭吏嗜酒醉嘔丞相車上西曹主吏欲斥之吉曰以醉飽之失去士使此人將復何所容西曹忍之此不過汙丞相車茵耳 漢書曰陳遵字孟公每大飲賓客閉門取車轄投井雖有急終不得去 洛陽記曰揚雄家貧嗜酒人希至其門時有好事者載酒

問奇字 抱朴子曰管輅頓傾三斗而清辨綺粲揚雄
酒不離口而太玄乃就 風俗通曰陳國有趙祐者酒
後自相署或稱亭長督郵祐復於外騎馬將降幡云我
使者也司徒鮑宣決獄云騎馬將幡起於戲耳無他惡
意 又曰汝南張妙酒後相戲逐縛捶二十下又懸足
指遂至死鮑昱決事云原其本意無賊心宜減死 後
漢書曰更始夫人尤嗜酒每侍飲見常侍奏事輒怒曰
帝方對我飲正此時持事來乎起抵破書案 孝子傳

曰蔡順字君仲母飲酒吐嘔恐母中毒嘗吐驗之 龍

城錄曰蔡邕因醉路卧人名曰醉龍 續漢書曰盧植

能飲一石不醉 原燉煌張氏傳曰扶風孟佗以蒲萄

酒一斗遺張讓即拜涼州刺史 神仙傳曰壺公詣費

長房於樓上曰我有少酒相就飲之酒在樓下長房使

人取之不能舉盞至數十人莫能得上乃白公公乃下

以一指提上與房共飲之酒器如拳許大飲之至暮不

竭 增列仙傳曰孔元方者專修道術惡衣疏食飲酒

不過一斗年百七十餘歲道成人或請元方同會人人
作酒令次至元方作令元方無所說直以一杖柱地因
把杖倒豎頭在下足在上以一手持酒倒澆之莫能為
也 神異經曰劉元石曾於中山酒家沽酒酒家與千
日酒飲之至家大醉其家不知以為死葬之後酒家計
有千日往視之云已葬於是開棺醉始醒俗云元石飲
酒一醉千日 原志怪曰齊人田無已釀千日酒過飲
一斗醉卧千日 魏略曰太祖禁酒而人竊飲故難言

酒以白酒為賢者清酒為聖人 增又曰鍾毓與鍾會

少有令譽其父晝寢因共偷服散酒父託寐以觀之毓
拜而後飲會飲而不拜父問其故毓曰酒以成禮不敢
不拜問會會曰偷本非禮所以不拜 魏志曰邴原初
辭家求學原舊性能飲酒自行之後八九年間酒不向
口單步負笈苦身持力至陳則師韓子助潁川則宗陳
仲弓汝南則交范孟博涿郡則親盧士幹臨別師友以
原不飲酒會米肉送原原曰本能飲酒但以荒思廢業

故斷之耳今當遠別因見貺餞可以飲讌於是坐飲終
日不醉世語曰王凌表滿寵年過耽酒不可居方任
帝將召寵給事中郭謀曰寵為汝南太守豫州刺史二
十餘年有勲方岳及鎮淮南吳人憚之若不如所表將
為所闕可令還朝問以方事以察之帝從之寵既至進
見飲酒至一石不亂帝慰勞遣還又曰華歆能劇飲
至石餘不亂衆人微察常以其整衣冠為異又曰烏
桓東胡俗能作白酒而不知作麴蘖常仰中國珊瑚

鈞詩話曰歷城北有使君林魏正始中鄭公愨三伏避

暑於此取大蓮葉置硯格上盛酒三升以簪刺葉令酒

與柄通屈莖輪囷如象鼻焉持吸之薌氣清列名曰碧

筒酒 原魏氏春秋曰阮籍以世多故祿仕而已聞步

兵廚多美酒營人善釀求為校尉也 增蜀志曰孔明

戒子曰夫酒之設合禮致情適體歸性禮終而退此和

之至主意未殫賓有餘豪可以至醉無致於亂 原吳

志曰鄭泉臨卒時語同輩曰必葬我陶家之側庶百歲

之後化而為土幸見取為酒壺實獲我心矣 又曰鄭
泉字文淵性嗜酒嘗曰願得美酒滿五斛船以四時肥
甘置兩頭反覆以飲之 增又曰孫濟嗜酒不治產業
常醉屢欠酒緡人皆笑之濟恬然自若謂人曰尋常行
坐處欠人酒債欲貸此緡袍償之 又曰孫權於武昌
郡臨釣臺飲酒大醉令人以水灑羣臣曰今日酣飲醉
墮臺中乃當止耳張昭正色對曰昔紂為糟丘酒池長
夜之飲當時亦不以為惡權默然有慙色 又曰孫權

嘗命諸葛恪行酒至張昭前昭先有酒色不肯飲曰此非養老之禮也權曰卿其能令張公辭屈乃當飲之耳恪難昭曰昔師尚父九十擁旌旗仗鉞猶未告老也今軍旅之事將軍在後酒食之事將軍在先何謂不養老也昭卒無辭遂為盡爵又曰曹公出濡須甘寧為前部督受勅斫敵前營權特賜美酒衆肴寧乃持賜手下百餘人食之畢寧先以銀盃酌酒自飲兩盃乃酌與其部督時不肯持寧以弓置膝上呵謂之曰卿見禮於至

導孰與甘寧寧尚不惜死卿何以獨惜死部督見寧厲
即起拜持酒以通酌兵各一兩盃至二更時銜枚出斫
敵敵驚動遂退寧益貴重 世說曰阮公鄰家婦有美

色當壚酤酒阮與王安豐常從婦飲酒既醉便眠婦側
夫疑之伺察終無他意 原于寶晉紀曰杜預作河橋
成武帝幸橋讌舉觴勸預曰非卿此功不能就預曰自
非陛下之聖明則臣無所施其愚巧也 晉中興書曰
畢卓字茂世為吏部郎嘗謂人曰右手執酒杯左手執

蟹螯拍浮酒池中便足了一生 又曰山濤字巨源飲

酒至八斗方醉帝欲試之乃以八斗飲濤密益其酒濤

至本量而止 又曰胡毋輔之等共飲酒散髮裸程閉

戶不接外客 鄧粲晉紀曰劉伶縱酒放蕩或脫衣裸

形在屋中人見譏之伶曰吾以天地為宅舍以屋宇為

禪衣諸君自不當入吾禪中又何惡乎 語林曰劉伶

字伯倫飲酒一石至醒復飲五斗渴甚求酒於妻其妻

責之損酒棄器諫曰非養生之道宜斷之伶曰善當祝

鬼神自誓耳卿可致酒五斗吾當斷之妻如其言伶呪
曰天生劉伶以酒為名一飲一石五斗解醒婦人之言
慎莫可聽於是乃飲其酒御其肉塊然復醉 世語曰
白子高少好隱淪之術嘗為美酒給道客一旦有四仙
人齎藥集其舍求酒子高知非凡乃欲取他藥雜之仙
人云我亦有仙藥於是賓主各出其藥仙人謂子高曰
卿藥陳久可服吾藥子高服之因隨仙人飛去子高仙
酒至今稱之 增拾遺記曰晉有羌人姚馥充廐園每

醉中嘗曰九河之水不足以清麴蘖八藪之木不足以
為蒸薪七澤之麋不足以充庖俎但言渴於酒羣輩呼
為渴羌後武帝授以朝歌守帝曰朝歌帝之舊都地有酒
池故使老羌不復呼渴固辭遷酒泉太守地有清池其
味若酒馥乘醉拜受焉 世說曰阮宣子常步行以百
錢挂杖頭至店便獨醉酣暢雖當世貴盛不可詣也

又曰周顗字伯仁風德雅重深遠危亂還江東積年恒
大飲酒嘗經三日不醒人謂之三日僕射 世語曰諸

阮皆能飲酒常與宗人共集不復用常杯以大甕盛酒
圍坐相向大酌 又曰王孝伯曰名士不須奇才但使
常得無事飲酒讀離騷便可稱名士 世說曰劉公榮
與人飲酒雜穢非類人或譏之答曰勝公榮者不可不
與飲不如公榮者亦不可不與飲是公榮輩者又不可
不與飲故終日共飲而醉 晉書曰阮孚為散騎常侍
以金貂換酒為有司所彈 又曰光逸字孟祖遇亂避
難渡江依胡母輔之初至屬輔之與謝鯤阮放畢卓羊

曼桓彝阮孚散髮裸衣閉室酣飲以累日逸將拂戶入
守者不聽逸便於戶外脫衣露頂於狗竇中窺之而大
叫輔之驚曰必我孟祖也遽呼入遂與飲不舍晝夜人
謂之八達 洛陽記曰劉白墮善釀酒飲者醉不能醒
因以白墮名酒又曰鶴觴永熙中青州刺史毛鴻賓齋
白墮酒之番逢盜劫酒飲之皆醉被擒因名擒姦酒諺
曰不怕張弓拔刀只畏白墮春醪 時鏡新書曰晉海
西令董勛云正旦飲酒先飲小者何也勛曰俗以小者

得歲故先賀之老者失時姑後 抱朴子曰鄭君酒釀

成因以附子甘草屑內酒中暴令乾如雞子大一丸投

一斗水立成美酒 晉書曰謝奕安兄也少與桓溫善

為溫司馬每因酒無復朝廷禮嘗逼桓溫酒溫走入南

康主門避之奕遂攜酒就廳事引溫一兵帥共飲曰失

一老兵得一老兵亦何所恨 又曰陸納字祖言為吳

興太守未至郡先至姑孰辭桓溫因問溫曰公致醉可

飲幾酒食肉多少溫曰年大來飲三升便醉白肉不過

十鬲卿復云何曰素不能飲止可一升肉亦不足言後
伺溫閑曰外有微禮方守遠郡欲與公一醉以展下情
溫欣然納之時王坦之刁彞在坐及受禮惟酒一斗鹿
肉一拌座客驚愕納徐曰明公近云飲酒三升納止可
二升今有一斗以備杯酌餘瀝溫及賓客並歎其率素
溫更勅中廚設精饌酣飲極歡而罷 又曰何充能飲
酒雅為劉恢所貴恢每云見次道飲令人欲傾家釀言
其能溫克也 又曰孟嘉為桓溫叅軍嘉好酣飲愈多

不亂溫問嘉酒有何好而卿嗜之嘉曰未得此中趣耳
廬山記曰陶淵明所居栗里兩山間有大石仰視懸
瀑可坐十人嘗醉眠其上名醉石 元表桷澄懷錄曰
淵明得太守送酒多以春秫水雜投之曰少延清歡
異苑曰有虹食薛願金中水盡願輦酒飲之虹吐金滿
釜因致豐富也 宋書曰顏延之在潯陽與陶潛情款
後為始安郡經過潛每往必酣飲致醉延之臨去留二
萬錢與潛潛悉送酒家稍就取酒嘗九月九日無酒出

宅邊菊叢中坐久之逢王弘送酒至即便就酌醉而後
歸潛不解音聲而援素琴一張每有酒適輒撫弄以寄
其意貴賤造者有酒輒設若先醉便語我醉欲眠卿可
去其真率如此郡將候潛逢其酒熟取頭上葛巾漉酒
畢還復着之 又曰顧憲之為建康令清儉強力為政
甚得人和其都下飲酒者醇旨輒號為顧建康謂其清
美焉 又曰孔覲為江夏內史性使酒每醉輒彌日不
醒居常貧罄無有豐約未嘗關懷為府長史典籤諮事

不呼前不敢前不令去不敢去雖醉居多而明曉政事
醒時判決未嘗有壅衆咸云孔公一月二十九日醉勝
世人二十九日醒也 又曰沈文季出為吳太守文季
飲酒至五斗妻王氏飲酒亦至三斗常對飲竟日而視
事不廢 又曰袁粲為丹陽尹常步屨白楊郊野間道
遇一士大夫便呼與飲酣明日此人謂被知顧到門求
進粲曰昨飲酒無偶聊相要耳竟不與相見 又曰王
忱泰外弟也忱嗜酒醉輒累旬泰謂忱曰酒雖會性亦

所以傷生游處以來常欲相戒當卿沈湎措言莫由及
今之遇又無假陳說忱嗟久之曰見規者衆矣未有若
此者也 齊書云謝幾卿性通脫為尚書左丞嘗預樂
苑宴不得醉而還詣道邊酒壚停車褰幔與車前三騶
對飲觀者如堵幾卿自若 又曰謝朓為吳興郡與弟
淪於征虜渚送別朓指淪曰此中惟宜飲酒淪建武之
朝專以長酣為事與劉琨沈昭略交歡飲各至數斗朓
既至郡致淪數斛酒遣曰力飲此物勿豫人事淪嘗與

劉悛飲推辭久之悛曰謝莊兒不可云不能飲淪曰苟
得其人自可沈湎千日悛甚慙無言 梁書曰梁武帝
招延後進二十餘人置酒賦詩臧盾以詩不成罰酒一
斗飲盡顏色不變言笑自若蕭介染翰便成文無加點
帝兩美之曰臧盾之飲蕭介之文席之美也 又曰陰
鏗嘗與賓友飲宴見行觴者因迴酒炙而授之衆坐皆
笑鏗曰吾儕終日酣飲而執爵者不知其味非人情也
及侯景之亂鏗嘗為賊擒或救之獲免鏗問之乃前所

行觴者 又曰王瞻為吏部尚書性嗜酒每飲或彌日而精神愈固不廢簿領武帝每稱瞻有三術射棊酒也 又曰謝善勲飲酒至數升醉後輒張眼大罵後雖賤賤親疎無所擇也時謂之謝方眼 水經注曰劉白墮

宿擅工釀採挹河流醞成芳酎懸食同枯枝之年排於桑落之辰故酒得其名矣然香醕之色清白若湄漿焉別調氤氲不與他同蘭薰麝越自成馨逸自王公庶友牽拂相招者每云索郎有顧思同旅語索郎反語為桑

落也更為籍徵之雋句中書之英談 後魏書曰夏侯
史與南人辛諶庾遵江文遙等終日遊聚酣飲之際仍
相謂曰人生局促何殊朝露坐上相看先後間耳脫有
先亡者於良辰美景靈前飲宴儻或有之庶共歆饗及
史亡後三月上巳諸人相率至史靈前仍共酌飲時日
晚天陰室中微闇咸見史在坐衣服形容不異平昔時
執杯酒似若獻酬但無語耳 又曰李元忠拜南趙郡
太守好酒無政績及齊神武東出元忠便乘露車載濁

酒奉迎神武聞其酒客未即見之元忠下車獨坐酌酒
擘脯食之謂門者曰本言公招延豪傑今聞國士到門
不能吐哺輟洗其人可知還吾刺勿復通也門者以告
神武遽見之又曰李元忠徵拜侍中雖處要任初不
以物務干懷惟以聲酒自娛大率常醉家事大小了不
關心園庭羅種果藥親朋尋詣必留連玩賞每挾彈攜
壺遨遊里閭每言寧無食不可使我無酒阮步兵吾師
也孔少府豈欺我哉後自中書令復求為太常以其有

音樂而多美酒故神武欲用為僕射文襄言其放達不可任以臺閣其子揆聞之請節酒元忠曰我言為僕射不勝飲酒樂爾愛僕射時宜勿飲酒 又曰太宗引崔浩論事語至中夜太宗大悅賜浩縹醪酒十斛水精戎鹽一兩曰朕味卿言若鹽酒故與卿同其味也 又曰胡叟少孤每言及父母則淚下若孺子之號春秋嘗祭之前則先求旨酒時燉煌汜潛家善釀酒每節送一壺與叟論者以潛為君子 又曰劉藻字彥先父宗之廬

江太守涉獵羣籍美談笑善與人交飲酒一石不亂藻
為東道別將辭於洛水之南文帝曰與卿石頭相見藻
對曰臣雖才非古人度亦不留賊虜而遺陛下輒當釀
曲阿之酒以待百官帝大笑曰今未至曲阿且以河東
數石賜卿 又曰齊郡王簡性好酒不能理公私之事
妻常氏燕郡公喜女也文明太后以賜簡幹綜家事頗
節簡酒乃至盜竊求乞婢侍卒不能禁 又曰阮孚性
機辨好酒貌短而禿周文帝偏所眷顧常於室內置酒

十餘餅餅上皆加帽欲戲孚適入室見即驚喜曰吾兄弟輩甚無禮何為竊入王家匡坐相對宜蚤還宅也因持酒歸周文撫手大笑北齊書曰河南王孝瑜武成禮遇特隆帝在晉陽手敕之曰吾飲汾清二盃勸汝鄴酌兩盃其親愛若此也又曰王紘字師羅領左右都督文宣與左右飲酒曰快哉大樂紘曰亦有大苦帝曰何苦紘曰長夜荒飲不恤國政是謂大苦帝默然又曰高季式豪華好酒又恃舉家勲功不拘檢節與光州

刺史李元忠生平遊款在濟州夜飲憶元忠開城門令

左右乘驛馬持一壺酒往光州勸元忠朝廷知而容之

又曰周文帝聞韋夔養高不仕辟之不能屈明帝即位禮

敬逾重乃為詩貽之夔答詩願時朝謁帝大悅敕有司日給

河東酒一斗號之曰逍遙公 又曰黃門郎司馬消難左

僕射子如之子高祖之壻勢盛當時因退食暇尋高季

式與之酣飲留宿旦日重門並閉關鑰不通消難固請

云我是黃門郎天子侍臣豈有不參朝之理且一宿不

歸家君必當大怪今若又留我狂飲我得罪無辭恐君亦不免譴責季式曰君自稱黃門郎又言畏家君怪欲以地勢脅我耶高季式死自有處初不畏此消難拜謝請出終不見許酒至不肯飲季式云我留君盡興君是何人不為我飲命左右索車輪括消難頸又索一輪自括頸命酒引滿相勸消難不得已欣笑而從之方乃俱脫車輪更留一宿是時失消難兩宿莫知所在內外驚異及消難出方具言之世宗在京輔政白魏帝賜消難

美酒數石珍羞十舉並令朝士與季式親狎者就季式
讌集其被優遇如此 雲仙散錄曰唐傅奕病未嘗問
醫忽酣卧蹶然曰吾死矣乎即自誌曰傅奕青山白雲
人也以醉死嗚呼 會客論略曰杜康善造酒以酉日
死故酉日不飲酒焦革善釀革死王績追述其法以為
經又采儀狄杜康以來善造酒者為譜 醉仙圖記曰
有府史焦革家善醞酒冠絕當時為酒譜一卷李淳風
見而悅之 李泌請里閭釀宜春酒以祭勾芒神祈豐

年帝悅乃著令 雞跖集曰張易之與李迥同飲以鴛

鴛蓋一隻共飲取其常相逐 開元傳信記曰葉法善

有道術一日與朝士會忽一人扣門稱麴生秀才突入

坐內言語不凡葉疑其非人潛以飛劍擊之應手墮地

乃一酒榼中有美醞飲之同坐曰麴生風味不可忘也

河東記曰汝陽王璵家有酒法名甘露經飲葉靜能

靜能曰有一生徒能飲當令來謁翌日有通謁者曰進

士常持滿見之侏儒也談胚渾之道飲以酒五斗醉倒

乃是一甕 醉仙圖記曰汝陽王璿取雲夢石甕泛春

渠以置酒作金銀龜魚浮沈其中為酌酒具自稱釀王

兼翹部尚書 唐書曰王績待詔門下省官給酒日三

升或問待詔何樂答曰良醞可戀耳侍中陳叔達聞之

日給一斗時稱斗酒學士 又曰李適之雅好賓友飲

酒一斗不亂夜則宴賞晝決公務廷無留事 又曰元

和間酌酒謂之注子後仇士良惡其名同鄭注乃去其

柄安系名曰偏提 又曰蒲萄酒西域有之前代時有

貢獻及破高昌收馬乳蒲萄實於苑中種之並得其酒
法 史緯錄曰唐玄宗置麴清潭砌以銀甃泥以石粉
貯三辰酒一萬車賜當制學士 萬花谷曰裴鈞大宴
有裴弘泰後至飲坐上小爵及觥船皆竭隨即寘器於
懷有銀海受一斗一飲而盡踏其海卷抱之索馬徑去
得銀二百餘兩 酉陽雜俎曰魏賈鏘嘗令蒼頭乘小
艇於黃河中接河源水以釀酒名崑崙觴芳味世中所
絕 朝野僉載曰柳亨飲未嘗醉

有白雞蓋取其解酒迅速

安定郡

王以黃柑釀酒

色香味三絕

蜀中有酒器名酒甕

詩人所謂酌以大斗

制象北斗有甕柄

又曰元載以鼻聞酒氣便醉人以為可治

即取針挑載鼻尖出一小蟲曰此酒魔也聞酒即畏之

是日載飲至二斗 又曰王忱嗜酒一醉或連日不醒

自號上頓時人以大飲為上頓 杜陽編曰順宗時處

士伊祈元召入宮飲龍膏酒黑如純漆飲之令人神爽

此本烏弋山離國所獻 撫言曰衛元規酒後忤丁僕

射以書謝曰自茲囚酒星於天獄焚醉日於秦坑 又

曰張旭嗜酒每大醉呼叫狂走乃下筆或以頭濡墨而書既醒自視以為神世呼張顛唐馮贇雲仙雜記曰辛洞好酒而無資常攜榼登人門每家取一盞投之號為簇酒宋陶穀清異錄曰穆宗臨芳殿賞櫻桃進西涼州葡萄酒帝曰飲此等覺四體融和真太平君子也又曰裴晉公盛冬常以魚兒酒飲客其法用龍腦凝結刻成小魚形狀每用沸酒一盞投一魚其中澄懷錄曰白樂天入關劉禹錫正病酒禹錫乃餽菊苗蘼蘆

服鮓取樂天六班茶二囊炙以醒酒 清異錄曰雍都

酒海也梁奉常和泉病於甘劉拾遺玉露春病於辛皇甫別駕慶雲春病於醺光祿大夫致仕韋炳取三家酒攪合澄嘗飲之遂為雍都第一名薨宮集大成薨宮謂耀州倩榼 又曰舊聞李太白好飲玉浮梁不知其果何物余得吳婢使釀酒因促其功答曰尚未熟但浮梁耳試取一盞至則浮蛆酒脂也乃悟太白所飲蓋此耳 又曰荆南節判單天粹宜城人性耽酒日延親朋強

以巨杯多致狼狽然人以其德善亦喜從之時戲語曰
單家酒筵乃觥籌獄也 叩頭錄曰房壽六月擣蓮花
製碧芳酒 致虛雜錄曰郎玉嗜酒而家赤貧遇仙女
於嵩山中投以一珠曰此醉龍珠也諸龍含之以代酒
味踰若下玉甫視珠而女忽不見矣 客退紀談曰趙
子固清放不羈好飲酒醉則以酒濡髮歌古樂府自執
牙以節曲 又曰陶人為器有酒經晉安人餉人以酒
致書云酒一經或二經至五經者他境人不達者聞饋

五經束帶立於其門 龍城錄曰魏左相能治酒其名

有醪醕翠濤貯以大甕十年味不敗

此酒得大宛之法中夏所未有史稱

蒲萄酒數十年不敗者此也

太宗嘗賜詩曰醪醕勝蘭生

蘭生漢武百味酒名

又曰百味旨酒布蘭生芬

翠濤過玉薤

玉薤隋煬旨酒名

千日醉不醒十年

味不敗 賈氏談錄曰兵部李濤小字社翁時李公昉

為翰林學士月給內醕兵部嘗因春社寄昉詩曰杜公

今日沒心情為寄治醵酒一瓶惱亂玉堂將欲遍依稀

巡到第三廳社酒號治龍酒

遇齋閒覽曰郭肱有才

學而輕脫夜出為醉人所誣太守詰問肫笑曰張公喫
酒李公醉者肫是也太守令作張公喫酒李公醉賦肫
爰筆曰事有不可測人當防未然清河文人方肆杯盤
之樂隴西公子俄遭醕酖之愆守笑而釋之又曰石
曼卿喜豪飲與劉潛為交卿倅海陵潛訪之劇飲中夜
酒竭有醋斗餘併飲之明日酒醋俱盡每與客痛飲露
髮跣足謂之囚飲坐木杪謂之巢飲 集仙傳曰張開
光嘗與母及弟出游獨留嫗守舍俄有道士敝衣冠疥

癖被體直入裸浴酒甕中嫗不能拒既暮出游歸渴甚
開酒芳烈亟就甕中飲嫗心惡道士不敢白而但不飲
居數日開光與母弟拔宅而去 志林曰東坡云吾兄
子明飲酒不過三蕉葉吾少時望見酒盞而醉今亦能
三蕉葉矣 龍城錄曰李肇命酒為郎官清劉跋命酒
為玉友唐子西名酒之和者曰養生主勁者曰齊物論
楊誠齋名酒之和者曰金盤露勁者曰椒花雨 遼禮志
曰九日賜蕃漢臣僚飲菊花酒兔肝為鵲鹿舌為鸞

欽定四庫全書

御定湖鑑類正

御定淵鑑類函卷三百九十二

欽定四庫全書

御定淵鑑類函卷三百九十三

食物部六

酒

酒三

原玄碧

縹清

列仙傳曰安期先生與神女會圓丘酣玄碧之香酒曹植賦曰蒼梧縹清

宜春

贊夏

吳錄曰安成宜春縣出美酒土記曰酒則五翅贊夏徒賓顯名

琬

液

瓊蘓

拾遺記曰王母薦穆王琬液清觴岳夫人傳曰夫人設王子喬瓊蘇綠酒

梁

市

阮厨

列仙傳曰酒客梁市上酒家客也作酒常美日得萬錢有過而逐之主人酒便酸敗下

一 詳酒

斷蒲

切桂

萬畢術云酒薄復厚漬以英蒲注

簞醪

盞齊

黃石公記曰昔者良將用兵人有饋一

之夫簞醪不能味一河水三軍思為

卽水

程鄉

吳

之死非滋味及之也 下詳酒一

青田

玄壺

古今注

記曰桂陽一郡程鄉有酒官 荆州

國有青田核莫知其木與實而核如六升甌貯水俄而

成酒劉章得二核集賓可供二十人一核盡一核所盛

水已中飲旋威旋飲不可久置久則苦核曰青田酒曰

青田酒

抱朴子曰玄壺傾棄而不羞醕酪專灌於丘

園

鎬飲

沛酣

詩曰王在在鎬豈樂飲酒

史記曰

漢高祖過沛置酒酣乃擊筑為歌

曰

歡伯

敗首

焦贛易林曰酒為歡伯除憂來樂適體

頤性

陳壽益部傳曰楊子拒妻者劉

陳壽益部傳曰楊子拒妻者劉

陳壽益部傳曰楊子拒妻者劉

陳壽益部傳曰楊子拒妻者劉

陳壽益部傳曰楊子拒妻者劉

陳壽益部傳曰楊子拒妻者劉

陳壽益部傳曰楊子拒妻者劉

懿公女也字公璞貞烈遠禮有四男二女拒亡教遵閨門動有法則長子元琮常出飲酒還舍母不見十日因諸弟謝過乃數責之曰夫飲酒有不至酒者禮也汝乃沈荒慢而無敬自倡敗首何以帥先諸弟也

舉

兕

持螯

左傳曰晉趙孟叔孫豹曹大夫與拜舉兕爵曰小

國賴子知免於戾矣下詳酒一

弗淫

有與

左傳曰酒以成禮不繼以淫毛詩曰伐

木泚泚釀酒有與注曰以筐曰釀與美也

軍法

觴政

史記曰高后立諸呂為王擅權用事

朱虛侯劉章入侍高后宴飲高后令章為酒史章曰臣將種也請以軍法行酒高后曰可酒酣諸呂有一人亡酒章追拔劍斬之乃還報曰有亡酒一人臣謹行軍法斬之劉向說苑曰魏文侯與大夫飲使公乘不仁為觴政曰飲若不盡者浮以大白

周尚

魯薄

禮記曰殷尚醴

周尚酒孔疏云殷人稍文故用醴周人轉文故用酒此皆其時之用耳莊子魯酒薄而邯鄲圍音義曰楚宣

王朝諸侯魯恭公後至而酒薄宣王怒恭公曰我周公之脣勲在王室送酒已失禮方責其薄母乃太甚遂不

辭而還宣王乃發兵與齊攻魯梁惠王常欲擊趙而畏楚楚以魯為事故梁得圍邯鄲言事相因也列

郡為池張璠漢紀云孔融天性氣爽頗推平生之意狎侮太祖制酒禁而融書啗之曰天有

酒旗之星地列酒泉之郡人有旨酒之德故堯不飲千鍾無以成其聖六韜云殷君為酒池迴船糟丘而牛

飲者三千人糜元語紂曰扶老通神春秋說題辭酒非江漢流以為池也云酒之言孔

也所以策身扶老神仙服食經曰採南燭草煮其汁為酒碧映五色服之通神成禮喪

德典論云酒以成禮過合好荒性晏子云景公飲則敗德下詳酒一酒醒三日而後

發晏子見曰君病酒乎公曰然晏子曰古之飲酒也足以通氣合好而已秦子曰今人知涉川必溺而忘酒

醴之

誠帝

飲工

晉中興書曰元帝性嗜酒王導深以為誠乃命左右進觴躬引觴覆

之左傳晉侯飲酒樂膳宰屠蒯趨入請佐公使尊許之而遂酌以飲工曰女為君耳將司聰也辰在子卯謂

之疾日君徹宴樂學人舍業為疾故也君之卿佐是為股肱股肱或虧何痛如之女弗聞而樂是不聰也

竹葉

蘭英

張衡七辨云玄酒白醴蒲萄竹葉枚乘七發云蘭英之酒酌以滌口

湘

東

豫北

上詳鄴水注

張協七命曰荆南烏程豫北竹葉浮蟻星沸飛華并接元石嘗其味儀氏

進其法傾壘一朝可以沉湎十日簞醪投川可使三軍告捷

金漿

玉醴

西京雜記梁人

名酒曰金漿醪傳玄七謨曰於是乃有蒼梧之九醞中山之清醇金漿玉醴雲沸淵渟甘芬潛結逸味橫生

九醞 五齊

郭芝有九醞春酒又云九醞苦難飲增

為十釀差甘易飲今謹上獻徐幹齊都賦

三品

曰三清既醇五齊惟醕按說文醕酒厚也

九成

晉劉弘為荊州室中云齊內酒聽事酒猥酒同用

其厚薄自今不得分別陸機

百藥長 千歲藏

王

七徵曰秋醕春醕明酒九成

詔曰酒者百藥之長嘉會之好抱朴子曰黃帝酒泉

法以麴米和藥成丹一斗酒內一升水藏之千歲味常

中聖人

謂從事

魏志曰徐邈字景山魏國初建

於沉醉校事趙達問以曹事邈曰中聖人達白太祖由

是得罪後文帝幸許昌見邈問曰頗復中聖人否邈對

曰昔子反斃於穀陽御叔罰於飲酒臣嗜同二子不能

自懲時復中之然宿瘤以醜見傳而臣以醉見識帝大

笑曰名不虛立世說曰桓溫有主簿善別酒有輒令先嘗好者謂之青州從事惡者謂平原督郵青州有齊

郡言至臍平原原有天水耐巴鄉清夏仲御別傳曰

長安清醇雜以東鄰碧素茗馨客望杯而乾咽杯觸口而己傾荆州記曰永安宮西有巴鄉村善釀酒謂之

巴鄉厚易薄濁更清淮南子曰楚會諸侯魯趙皆清趙趙不與吏怒乃以趙厚易魯薄者奏之楚王以趙酒

薄遂圍邯鄲故曰魯酒薄而邯鄲圍幽冥錄曰東萊人性靈常作酒多頓遜樹青田核南史曰南海頓

醇濁而忽更清安石榴採其花汁停甌中聚千鍾飲一石列子曰

數日而成酒下詳前聚千鍾飲一石子產之

兄曰公孫朝聚酒千鍾積地成封望門百步糟漿之氣逆於人鼻方其荒於酒也不知政道之安危人理之悔

各室內之有無九族之親疎雖水火兵刃交於前不知也晉書曰周顗在中朝時能飲酒一石及過江雖日

醉每稱無對偶有舊對從北來顗遇之乃欣然出抱

酒二石共飲各大醉及顗醒使視客已腐脇而死抱

甕釀飛軒酌酒語林曰羊琇字稚舒冬月令人抱甕釀

方雙轡而賦珍羞濡首腐腸易有孚於飲酒濡其首養

賦珍羞濡首腐腸生論曰醪醴腐人之腸胃

金貂換

玉山頽

醉上見酒二嵇康

增百氏漿

諸家料

清異錄酒不可襍飲飲之雖善酒者亦醉乃飲家所深忌宛葉書生胡适冬至日延客以諸家

羣遺之酒為具席半客恐私相告戒适疑而問之一人

曰某懼君家百氏漿汝陽王璵家有酒法號甘露經

四方風俗諸家

蘭生

桑落

漢武帝百味酒名蘭生又隋煬帝酒名曰玉

材料莫不備具

薤 庾信從蒲州刺史乞酒詩蒲城桑落
酒 滿岸菊花秋願持河朔飲分獻東陵侯

醴泉侯

建康令

唐子西陸誦傳陸誦麴城人少與壺子商君相友善約先貴無相忘已而壺子任太常商君任

主爵都尉通顯矣而誦方青州為從事壺商上疏薦之上從其言遣壺子持節名誦至上歡甚是日拜誦光祿勳項之封醴泉侯食千戶

下詳酒二宋書顧憲之

遺冠

墮幘

上詳酒二韓子云齊桓公

晉庾敳頽然已醉憤墮几上以頭就穿

試山濤

祝審琦

上詳酒二晉書山濤宋

王審琦不能飲太祖宴後苑祝曰酒者天之美祿可惜不能飲之祝已謂審琦曰天必賜卿酒量試飲之乃連飲十數爵自此朝宴必

醉侯

惡客

杜詩死贈劉生作醉侯又唐詩

若使劉伶為酒帝亦須封我醉鄉侯東坡詩注唐元結以不飲者為惡客後人以痛飲者為惡客

南

郊囷火

淶溪取水

汝南先賢傳云郭憲從駕南郊憲含酒東北三囷執法奏不敬詔問

何故憲對曰齊失火囷酒厭之後知齊國果失火燒數千家荆州記曰桂陽東界俠公山下有淶溪源官常

取此水

黃公開肆

卓氏當壚

王戎為尚書令著公服過黃公壚謂後車

客曰吾昔與嵇叔夜阮嗣宗酣暢於此壚自嵇阮亡以來便為時所羈縻今視此雖近邈若山河下詳酒二

平原十日

張翰一杯

史秦昭王遺平原君書曰君幸過寡人願與君為十日之

飲世說曰張翰字季鷹縱任不拘時人號為江東步兵或謂曰卿乃縱適一時獨不為身後名耶張答曰使

我有身後名不如即時一杯酒

輦下黃封

閩中白薄

東坡詩上樽白日濁黃封

注云輦下以黃封酒貴蓋重內醖也初學記閩中有酒名白薄

不起韓期

數辭

李名

唐西南採訪使韓會字朝宗昌黎人嘗約孟浩然

甚或曰君與韓公約不當後期浩然曰業已飲酒遑恤

其他卒不赴

宋仁宗朝李都尉喜延士大夫盡聲色

之樂一時館閣清流無不往赴其宴者韓魏公最年少

獨未嘗造焉

李數召而公以事辭人有強之者公曰固

欲往但未有名耳

公處之不失和故李亦不致怨同時諸公亦不以為介也

王導盡觴

景讓卒爵

晉王敦字處仲王導字茂弘敦與導常詣王

導所敦固不肯持美人

悲懼失色而敦傲然不視導素

不能飲恐行酒者得罪遂勉強盡觴導還歎曰處仲若

當世心懷剛忍非令終也

唐李景讓事母孝好獎士

類為左丞時將仲嘗酌酒曰忠於國孝於家者飲此酒

客肅然景讓遂起卒爵仲曰無疑於公又後魏書齊神

武帝常享朝士舉觴屬別駕宋遊道曰飲高歡手中酒

者乃大丈夫卿之
為人合飲此酒

務觀澆書

劉跋作傳

宋陸游字務觀自號

放翁作詩曰澆書滿飲浮蛆甕攤飯橫眠夢蝶床注云東坡以晨飲為澆書太白以午睡為攤飯百家詩序

跋字斯立名酒為玉友仍為作傳宋曾端伯亦名酒為玉友也

趙整作歌

高允為

訓晉孝武帝太元三年秦王堅與羣臣飲酒以極醉為限趙整作酒歌曰地列酒泉天垂酒星杜康妙識儀

狄先知紂喪殷邦桀傾夏國由此言之前危後則堅大悅命書之以為酒戒後魏書高允被勅論集往世以

酒敗德者為酒訓孝文覽而悅之

酒四

原蒼梧

張華輕薄篇曰蒼梧竹葉宜城九醞

阜茨

神仙傳云葛仙翁斬阜茨樹為杯用以盛

酒酒味

益妙

胡椒

博物志曰胡椒酒古人於歲朝飲之

文草

楊孚異物志曰文草作酒

其味甚美士人以金買草不言貴也

若下

吳地記云若下出美酒

湘陰

陸機七徵曰湘

陰有耐其色發清秋醪春醞酒惟九成

冬清

張華上巳篇曰春醴踰九醞冬清過十旬

凍

縹王粲七釋曰凍縹玄耐醴白腐清

玄醴

潘安仁金谷詩曰玄醴染朱顏但慙杯行遲

白醪

孫詵三公山下楔賦云九醞白醪

淵清

成公綏七唱曰秦無清醴先和宜醇香旗九醞

淵清

冰潔

程康酒賦曰重耐至清淵凝冰潔滋液兼備芬芳澈澈

波泛

風土記曰

酒則星陳郡列春醞夏成珠連波泛瀾澈神清

淵流

邊讓章華臺賦曰蘭有山積椒酒淵流

芳馨

曹毗杜蘭香傳曰蘭香降張碩輒齋瓦榼酒氣芳馨

蒸秀

陸機七徵曰秋醪春醴兼醞增

奇浮蒸吐秀
雲沸淵湧

兼清

張衡南都賦曰酒則九醞甘醴
十旬兼清醪敷徑寸浮蟻若萍

待熟

食經曰坐客酒者平旦譙食
時熟生客待酒熟故以為名

屏爵

祖台之與王
荊州書曰屏

爵棄庀焚
壘毀榼

罰金

晉書曰凡民私釀酒沽其有婚姻
及疾病者聽之餘有犯罰金八兩

祈黃耆

詩曰酌以大
斗以祈黃耆

介景福

陸機七徵曰介
景福於眉壽

養親

老

應璩文曰酌彼春酒上得
供應親老下得溫飽妻子

歆靈祗

詳劉惔
酒箴

吐銅

龍

西征記曰太極殿前有銅龍長二丈銅樽容四十
斛正旦大會羣臣龍從腹內受酒口吐之於樽內

仰景曜

曹植酒賦曰仰
酒旗之景曜

貢宜城

傳玄七謨曰名耐出
於咸陽甘醪貢於宜

城

出天廚

神仙傳曰王方平至蔡經家曰吾欲賜汝
輩美酒此酒出天廚其味醇醲非俗人所

宜飲今當以水和之以賜
經家人人飲一升許皆醉

甘如乳
樂府歌曰春酒甘如乳秋釀清如華

濁如河

左思魏都賦曰清醑如濟濁如河陳醴流漸溫酎躍波

斗至千

典論曰孝

靈末百司酒酒千文一斗常侍張讓子
奉為太醫令與人飲去衣露形為樂也

斗十千

曹植

詩曰歸來宴平
樂美酒斗十千

引一斛

抱朴子云于公引滿一斛而斷獄益明

錢百

壺

詩韓奕篇云韓侯出祖出宿于屠顯父餞之清酒百壺

限七升

吳志孫皓每饗宴無不竟

日後以七
升為限

傾三斗

管輅傾仰三斗而清辨綺燦

漢祖賁

漢書高祖好酒

及色常從王媼武負賁酒時飲醉卧武負王媼見其上
嘗有怪高祖每酤留飲酒讐數倍及見怪載竟此兩家

嘗折卷

潘璋賒

吳志曰潘璋字文珪性博蕩嗜酒居貧好賒酤債家至門輒言後豪貴當

棄責

相還 **杜康造** 魏武帝歌何以解憂惟有杜康 **蔡邕酌** 蔡邕與素公書朝夕游談從學

宴飲酌清醴鰾乾魚 **致殷勤** 曹植樂歌市肉取肥酤酒取醇交觴接杯以致

欣馬樂在其間矣 **相娛樂** 古詩人生天地間忽如遠行 **孔嘉** 詩曰

勤殷 **既旨** 詩曰酒既和 **德將** 德將無醉注以德其令儀

禮飲 以禮飲酒 **視冬** 禮記飲齊視冬時注飲宜寒也 **避暑** 素紹

朔每至夏大飲云以避一時之暑故號河朔飲也 **侍飲** 詳酒 **面尊** 禮曰凡

尊 **養老** 詳酒 **序賓** 以賢序賓 **朋享** 朋酒 **巷飲**

飲酒 **無彛** 詳酒 **有衍** 醕酒 **無荒** 好樂 **不惑** 楊

字叔節三不惑酒色財也

禹誠

大禹之誠曰甘酒嗜音未或不亡

康誥

成王封康叔作

酒誥誥誥誠酒之義

親約

在陶侃別傳曰侃母湛氏賢明有法侃在武昌與佐吏從容燕飲常有飲限

或勸酒可少進侃悽然良久曰昔年少曾有酒失慈親見約故不敢踰

父戒

庾袞字叔

戒袞以酒後每醉輒自責曰余廢先人之戒何以訓人乃於墓前自杖三十

狂藥

晉裴楷傳曰石

崇以功臣子有才氣與楷志趣各異不與之交長水校尉孫季舒嘗酣燕慢傲過度欲表免之楷聞之謂崇曰

足下飲人狂藥責人正禮不亦乖乎乃止

淫源

曹植酒賦曰乃荒淫之源

崇飲

其敢崇飲

崇聚也

受福

既醉而出並受其福

蓋狂

蓋寬饒曰無多酌我我乃酒狂

孟趣

詳酒二

羣飲

酒誥曰羣飲汝勿佚盡執拘以歸于周予其殺

獨醒

屈原曰衆人皆醉我

獨上尊詳酒一白美祿漢書曰酒者天之美祿帝

福扶衰合歡酒食者所宴樂我有旨酒以宴騰

車文選騰酒舉白漢書曰引滿種秫陶潛為彭澤

種挂錢詳酒一世側弁側弁之俄絕纓平原夜

客牽美人衣縱酒王忱字元達恃才縱酒婦父有慘

連臂披髮裸身而析醒禮樂志大樂蔗漿析朝醒注

生疾宋楊文忠公喜酒飲過量既登第通判濟州日

一日山東賈存道先生過濟文忠館之數日先生愛文

忠之賢慮其以酒廢學生疾乃為詩示文忠曰聖君恩

重龍頭選慈母年高鶴髮垂君寵母恩俱未報酒如成
病悔時遲文忠矍然起謝曰是非親客不對酒終身不

醉

罷將

曹仁為關羽所圍太祖以曹植為南中郎將
征虜將軍欲遣救仁呼有所勅戒植醉不能

受命於是上
悔而罷之

飲酎

天子令孟春
天子飲酎

賜爵

禮君若賜之爵
則越席再拜

稽首受登席祭之飲卒爵而俟君卒
爵然後授虛爵注不敢先君盡之

相罰

文選引
滿相罰

其觥

兕觥其觥注兕觥
罰爵也觥然不用

飛觴

舉白
文選

罰爵

禮有常
罰之爵

酌酢

禮

誅賞

周禮以酒式誅賞注誅
賞其作酒之善惡也

飲祀

越庶國
飲惟祀

乃得
飲酒

飲別

詳酒一酌
原飲別

設醴

漢書楚元王每置
酒為穆生設醴

載

酤

詩既載
清酤

鞠蘖

若作酒醴
爾惟鞠蘖

法式

周禮作酒
之法式也

荒湛

顯覆厥德
荒湛於酒

酒淫

義和酒淫
廢時亂日

荒腆

惟荒腆
於酒

淫醑

淫醑

肆虐臣下
化之紂也

公酒

周禮公事
作酒也

禮酒

賓客
之酒

佐酒

助行
酒

使酒

李布

酒府

酒正
之府

酒正

周禮
入其要

禮酒正日

入其成月

則會注皆

皆

謂合計
其用

酒人

造酒
者

酒材

周禮授酒材掌
其厚薄之齊

酒吏

孫皓

每宴會羣臣無不令沈醉置黃門侍郎十人不與酒
令侍立為司過之吏飲罷各奏其闕失隨大小加刑

酒官

秩酒

酒正凡秩酒者以書契授之
注秩常也優老臣常授酒

勞酒

孟春
天子

躬耕帝籍反執爵於大寢公
卿大夫諸侯皆御命曰勞酒

兼六物

詳酒一月
令孟冬

比千乘

貨殖傳一歲千
釀比千乘之家

卧甕下

卑卓為吏部比舍郎
釀酒熟畢醉後夜至

甕下盜飲掌酒者縛之明旦乃畢吏部

嘔車中詳酒

劾周顓顓領吏部屢有

荒醉失儀為有司所劾

擊錢鳳

晉溫嶠偽醉以手版擊鳳

亂籩豆

亂我籩豆

倒接羅

世說云山李倫為荊州時出酣暢人為之歌曰山公時一醉逕造高陽池日暮倒載歸酩酊無

所知時復乘驄馬倒著白接離舉手語葛強何如并州兒

朱顏酤

美人既醉朱顏酤

白

刃起

失意杯酒間白刃起相酬

揖不勝

論語注下而飲謂射畢揖降以俟衆耦皆降勝者乃

揖不勝者升取解立飲也

觥不敬

周禮觥其不敬者注觥罰爵也

受爵

禮玉藻君子之

飲酒也受一爵而色酒如也二爵而言言三爵而油油以退

實尊

周禮酒正凡祭祀以法共五齊

三酒以實八尊大祭三貳中祭再貳小祭一貳皆有酌數惟齊酒不貳皆有器量

增百品

酒經

三重

說文

羅浮春

東坡在惠州自造酒號羅浮春以惠州有羅浮山而得名

崑

崑觴

詳酒一

醪醕

唐主謂左右曰李絳之骨醕醕酒

葡萄

麴米

杜詩曰聞道雲安麴米春纔吞一盞即熏人

茅柴

宋韓駒字子蒼有茅柴酒詩三年逐

客臥江皋自與田工壓小槽飲慣茅柴諸苦硬不知如蜜有香醪蓋謂苦硬之酒如茅柴之火易過也

千日醉

詳酒二博物志

三日酺

漢文帝賜酺三日宋祥符中

五日天下三日蓋循漢遺事也

浮晏嬰

說苑齊景公飲酒陳桓子侍望見晏子而復於公曰請浮

晏子公曰何故也對曰晏子衣縑布之衣麋鹿之裘棧輪之車而駕馬以朝是隱君之賜也公曰諾酌者奉觴而進曰君命浮子晏子避席曰請飲而後辭乎其辭而後飲乎公曰辭然後飲晏子曰臣聞古之賢臣有受厚

賜而不顧其國族則過之若夫弊車駑馬以朝主者非臣之罪也且臣以君之賜臣父之黨無不乘車者母之黨無不足於衣食者妻之黨無凍餒者國之簡士待臣而後舉火者數百家如此為隱君之賜乎彰君之賜乎公曰善為我

觴桓子

宋王禹偁文于是齊侯以晏子之觴而觴桓子

八伯

晉人任達好酒阮放為宏伯郝鑒為方伯胡毋輔之為達伯卞壺為裁伯蔡謨為郎伯阮孚為延伯劉綏為委伯羊曼為黠伯號為兗州八伯八仙之蘇晉李白張旭焦遂也杜宗美有飲中

止酒詩

陶潛止酒詩曰平生不止酒止酒情無喜暮止不能寢晨止不能起

八仙歌

日日欲止之營衛止不理徒知止不樂未信止利已始覺止為善今朝真止矣從此一止去將止扶桑淡清顏止宿客奚斷酒戒庚闡斷酒戒神明智慧人之所以止千萬祀靈也好惡欲情人之所以生也明

智運於常性好惡安於自然吾以知窮智之害性
任欲之害真於是椎金罍碎玉碗破兕觥損觚瓚

原

蒲萄善醉

魏文帝云蒲萄釀以
為酒甘於麵米善醉

酒藤消醒

古今草木
注云酒杯

藤出西城大如臂葉似葛實如梧
桐香美可酌士人投酒能消宿醒

策勲飲至

抱朴子
曰一瓶

之醪傾而三軍之衆悅解毒之觴行而盜馬之屬
感消憂成禮策勲飲至降神合人非此莫以也

和

憾親讐

曹植酒賦曰和睚皆之
宿憾雖怨讐其必親

應化感氣

曹植七啓
曰乃有春

清縹酒康狄所營應化則變感氣而成彈徵則苦發扣
官則甘生於是咸以翠樽酌以雕觴浮蟻鼎沸酷烈馨

香可以神
可以娛觴

苞苦含辛

傳玄七謨曰白醴九戌玄醞
清醇泛華浮蟻苞苦含辛

賢聖斯嘗

江統酒誥曰歷代悠遠經史彌長上自
三皇下逮五帝雖曰聖賢亦咸斯嘗

通人此累

祖台之與王荊州書曰若須復飲不廢止之將不獲已耶通人達士累於此物

春

醞夏成

風土記曰酒則元端水齊春醞夏成通神遁暑用厭飲事

秋藏冬發

見曹植酒

賦

雞鳴時熟

食經曰夏雞鳴酒法秫米二升作糜麴三升以水五升攪之封頭今日作明日

雞鳴時熟

狗猛不售

韓子曰宋有酤酒懸幟甚高斗緊甚平而酒不售問人人曰君家畜猛狗

也

鄭玄三百

鄭康成別傳曰袁紹邀飲於城東必欲玄醉時會者三百人酣酒之後人人進

爵玄飲至三百盃秀眉明目容儀溫偉

周文百觚

傳玄酒賦曰唐堯千鍾周文百觚

公榮共醉

詳酒二

孔羣好飲

世說曰鴻臚孔羣好飲酒王導曰卿服腐腸之藥耽

興口之味不見酒家覆甌布久則糜爛羣曰公不見糟中肉乃更堪久羣嘗與親舊書曰今年田得七百石秫

欽定四庫全書

御定淵鑑類函

卷三百七十三

十三

米不了
麴蘖事

不用常杯

詳酒二

不如一杯

詳前世說

管仲棄

半

管子云齊桓公飲管仲酒詳酒二

于公益明

抱朴子曰于公定國飲滿一石而斷獄益

明

賜晉桓

晉文公獻楚俘於周王賜之桓一自也

錫魏桓

冊

公九錫文曰是用錫君桓一自

九獻禮畢

傳曰楚子入享於鄭九獻注上公之禮九獻而

禮畢也

三行遂出

管子曰桓公與管仲飲掘新井而柴焉十日齋戒召管仲仲至公執爵夫

人執尊觴三行仲趨出公怒曰寡君齋戒以飲仲父以爲脫於罪矣仲曰臣聞湛於樂者洽於憂厚於味者薄於行是以走出拜而送之

逸逸有序

詩曰舉酬逸逸注有序貌

油油以退

見

五斗解醒

詳酒二語林曰劉伶

一石亦醉

淳于髡詳酒二

不能滿

觴

田蚡辭不能滿觴灌夫怒

有服敢辭

灌夫字仲孺有服過田蚡曰吾欲與仲孺過魏其

侯會仲孺有服夫曰將軍幸許過魏其侯夫安敢以服為辭

不醉反恥

詩曰彼醉不臧不醉

恥反

不醉無歸

詩厭厭夜飲不醉無歸

頒皆有法

周禮酒正掌酒之賜頒皆

有法以行注法尊卑之差

賜不再拜

禮酒肉之賜不再拜

乘馬攜壺

劉伶嘗乘

塵車攜一壺酒使人荷鍾隨身曰死便埋我其遺形如此

銜杯漱醪

詳酒五劉伶酒德頌

不知其秩

是曰既醉不知其秩

不知其尤

是曰既醉不知其尤

未卜其

夜

詳酒二左傳曰桓公樂飲

樂飲今夕

湛露之觴

瑤池之宴

周穆王宴西王母

迨我暇矣

詩

酌言酬之

詩酌皆有數

禮

樂且有儀 既旨既清 且多且有 逮下之恩

侍宴之禮

臣侍宴過三爵非禮

增釣詩鈎

掃愁帚

東坡洞庭春色

詩應呼釣詩鈎亦號掃愁帚須君激灑杯澆我談天口

鴨綠鵝黃

東坡詩小舟浮鴨綠大杓

瀉鵝黃蓋用杜詩鵝兒黃似酒對酒愛新鵝之句

猪紅熊白

宋楊廷秀酒歌生酒清於雪煮

酒赤如血煮酒只帶烟火氣生酒不離泉石味石根泉眼新汲將麴米釀出春風香坐上猪紅間熊白甕頭鴨綠變鵝黃先生一醉萬事已那知身在塵埃裏

梁甘劉辛

清異錄

趙厚魯薄

詳酒一淮南子云楚會諸侯

宜城九釀

宜城九釀號竹葉酒

洞庭三絕

安

郡王以黃柑釀酒名曰洞庭春色其酒色香味三絕東坡有詩與賦按唐人名酒以春如富水春若下春土窟

春石凍春松醪春竹葉春梨花春羅

騎馬傾歌

昔阮咸醉

浮春甕頭春麴米春拋青春是也

爭妓

行波浪中杜甫詩曰知章騎馬似乘船本此

慚悔乃集書錄閨士劉乙嘗乘醉與人爭妓女既醒慚悔

百悔經自後不飲至於終身

行酒進醺

唐李景略常宴僚佐行酒者誤以醺進判官京兆任

迪簡以景略性嚴恐行酒者獲罪強飲之

餉酒知水

晉孔嚴祖父爽為全椒令明察過人時有

遺其酒者始入門爽遙呵曰人餉吾兩甕酒其一何故非也檢視之果是水或問何以知之曰酒重水輕提酒

者手有輕重之異故耳

以酒杜人

石林詩話晉人多言飲酒有至沉醉者其意未必真在於

酒蓋時方艱難人各懼禍惟托於醉可以疎遠世故陳平曹參以來俱用此策漢書記陳平於劉項未判之際

日飲醇酒戲婦人是豈真好飲耶曹參雖於此異然方欲解秦煩苛付之清淨以酒杜人是亦一術

乘

酒挑妾

晉紀瞻為尚書置酒請王導觀妓瞻愛妾能歌新聲左僕射護軍周顗乘酒於衆中挑之而不

得有司勅顗荒酒失儀至元帝時乃詔宥焉

飲如淋灰

東坡詩趙子飲酒如淋灰一年十萬

八千盃注云以李白詩計之如此

飲如吸川

飲中八仙歌左相日興費萬錢飲如長鯨吸百川

杯樂聖

勸酒至顗

宋徽宗時蔡攸賜飲禁中上頻以巨觥勸之攸懇辭不任杯酌將至

顗路上曰就令灌死亦不至失一司馬光也

據鞍索取

宋顗延之好騎馬遨游里巷過舊知

輒據鞍索酒得酒必盡傾意氣自若嘗以醉謁何尚之尚之望見便佯眠延之發簾熟視曰朽木不雕尚之謂

左右曰此人醉甚可畏

無暑無寒

清異錄河陽釋法常酷嗜酒無寒暑風雨常醉醉則熟寢

覺即朗吟嘗謂同志曰酒天虛無酒地綿邈酒國安恬
無君臣貴賤之拘無財利之圖無刑罰之避陶陶焉蕩
蕩焉其樂不可得而量也

飲酒百蓋

東坡飲酒說歐公盛年能飲百蓋然常為張安道所困梅

聖俞亦能飲百許蓋然醉即高叉手而語彌溫謹此亦知所不足而勉之非善飲者也

送酒六

壺

東坡云章質夫送酒六壺書至而酒不達吏跌而忘之戲作小詩問之曰白衣送酒舞淵明急掃風軒洗

破觥豈意青州六從事化為烏有一先生空煩左手持新蟬漫遶東籬嗅落英南海使君今北海定分百榼餉

春耕

原學士十二人

漢制學士十二人給大官桐馬酒注以馬乳為酒採桐葉時乃成臣

瓚曰按武帝以馬家為桐馬似不為酒也

女酒三十人

周禮注女奴曉酒也

擬酒

旗於元象

張載酒賦

推酒泉之嘉名

傅玄酒賦

陳魯匡之謀

收榮公之利 將成禮以合歡 豈納邪而伐德

雖取陶陶之樂

劉伶酒德頌

無愆抑抑之儀

其未醉止威儀抑抑

賓酒食以合歡 初筵有禮 用歌舞以飾喜 終宴不疲

酒五

原詩宋陶潛飲酒詩曰有客常同止 趣舍邈異境 一士長獨醉 一夫終年醒 醒醉還相笑 發言各不領 規規一何愚 兀傲差若穎 寄言酣中客 日沒燭當秉 周庾信報趙王賜酒詩曰梁王修竹園 冠蓋風塵喧 行人忽枉

道直進桃花源稚子還羞出驚妻倒閉門始聞傳上命
定是賜中樽野爐燃樹葉山杯捧竹根風池還更暖寒
谷遂長暄未知稻梁雁何時能報恩 又正旦蒙趙王
賚酒詩曰正旦辟惡酒新年長命杯柏葉隨銘至椒花
逐頌來流星向椀落浮蟻對春開成都已救火蜀使何
時迴 又中山公許乞酒一車未送詩曰細柳望蒲臺
長河始一迴秋桑幾迴落春蟻未曾開瑩角非難馭椎
輪稍可催只言千日飲舊逐中山來 又就蒲州刺史

乞酒詩曰蕭瑟風聲慘蒼茫雲貌愁鳥寒棲不定池凝

聚未流蒲城桑葉落灞岸菊花秋願持河朔飲分勸東

陵侯 又答王褒餉酒詩曰今日小園中桃花數樹紅

開君一壺酒細酌對春風未能扶單卓猶足舞王戎仙

人一捧露判不及杯中 增唐張說奉蕭令嵩宇文黃

門融裴中書光庭酒三絕句樂奏天恩滿杯來秋興高

更蒙蕭相國對席飲醪醑 聖德重甘露天章下大風

又乘黃閣賞願作黑頭公 西掖恩華降南宮命席闌

詎知雞樹後更接鳳池歡 李白待酒不至玉壺繫青

絲沽酒來何遲山花向我笑正好啣杯時晚酌東窻下
流鶯復在茲春風與醉客今日且相宜 又月下獨酌

詩曰花間一壺酒獨酌無相親舉杯邀明月對影成三
人月既不解飲影徒隨我身暫伴月將影行樂須及春
我歌月徘徊我舞影凌亂醒時同交歡醉後各分散永
結無情游相期邈雲漢 杜甫謝嚴中丞送青城山道
士乳酒一鉶詩曰山鉶乳酒下青雲氣味濃香韋見分

鳴鞭走送憐漁父洗盞開嘗對馬軍

張謂湖中對酒

作夜坐不厭湖上月晝行不厭湖上山眼前一樽又長
滿心中萬事如等閒主人有忝萬餘石濁醪數斗應不
惜即今相對不盡歡別後相思復何益茱萸灣頭歸路
賒願君且宿黃公家風光若此人不醉參差辜負東園
花白居易勸酒詩曰勸君一杯君莫辭勸君兩杯君
莫疑勸君三杯君始知面上今日老昨日心中醉時勝
醒時天地迢迢自長久白兔赤烏相趁走身後堆金挂

北斗不如生前一杯酒 又賦得何處難忘酒詩曰何

處難忘酒朱門美少年春分花發後寒食月明前小院
迴羅綺深房理管絃此時無一盞爭過豔陽天 李敬

中勸酒詩曰不向花中醉花應解笑人只憂連夜雨又
過一年春日日無窮事區區有限身若非杯酒裏何以

寄天真 陸龜蒙和襲美醉中以一壺見寄曰酒痕衣

上襟莓苔猶憶紅螺一兩杯正被遶籬荒菊笑日斜還

有白衣來 皮日休友人許惠酒以詩徵之野老蕭然

訪我家霜殘白菊兩三花子山病起無餘事只望蒲臺

酒一車 宋蘇轍以蜜酒送柳真公牀頭釀酒一年餘

氣味全非卓氏壚送與幽人試嘗看不應只是百花鬚

又家釀詩曰方暑儲麴蘖及秋舂秣稻甘泉汲桐柏

火候問隣媪唧唧鳴甕盎瞰瞰化黎棗一撥欣已熟急

搗嫌不早病色變渥丹羸軀驚醉倒子雲多交遊好事

時相造嗣宗尚出仕兵厨可常到嗟我老杜門奈此平

生好未出禁酒國恥為甕間盜一醉汁滓空入腹誰復

告 又釀重陽酒詩曰風前隔年麴甕裡重陽酒適從
臺無餽飲啜不濡口秋嘗日已迫收拾煩主婦仰空露
成霜塞庭菊將秀金微火猶壯未可多覆蔀唧唧候鳴
聲涓涓夜初溜輕巾漉糟脚寒泉養嬰缶誰來共佳節
但約隣人父生理正艱難一醉陶衰朽他年或豐餘此
味恐無有 韓駒還朝飲酒絕句曰往時看曝石渠書
內酒均頒白玉腴落魄十年無復醉因公今日識官壺
程致道謝江仲舉惠酒詩曰山城無物可忘憂但有

平原病督郵知我囊中無白水煩君若下出青州芳甘

未謝三年醞傲兀能消萬古愁會待東郊春意動鳴鞭

乘興草堂遊 范石湖寓直玉堂拜賜御酒詩曰歸鴉

陸續墮宮槐簾幙參差晚不開小雨遂將秋色至長風

時送市聲來近瞻北斗璿璣次猶夢西山翠碧堆慚愧

君恩來甲夜殿頭宣勸紫金杯 陸游飲石洞酒戲作

酣酣霞暈力通神淡淡鵝雛色可人一笑破除垂老日

滿懷搖蕩隔年春梅花的吹初破楊柳纖纖染未勻

醉倒橋邊人不怪西曹免護相君茵 又對酒絕句溫

如春色爽如秋一檣燈前自獻酬百萬愁魔降未得故
應用爾作戈矛 徐文瀾詠酒詩曰才傾一盞碧澄澄

自是山妻手法成不遣水多防味薄要令麪少得香清
涼從荷葉風邊起暖向梅花月裡生世味揔無如此味
深知此味即淵明 元劉因黑馬酒詩曰仙酪誰誇有
太玄漢家桐馬亦空傳香來乳面人如醉力盡皮囊味
始全千尺銀駝開曉宴一杯瑤露洒秋天山中喚起陶

宏景轟飲高歌敕勒川 許有壬咏上京馬酒詩曰味

似融甘露香疑釀醴泉新醅撞重白絕品挹清玄驥子

饑無乳將軍醉臥氈桐官聞漢吏鯨吸有今年 又秋

露白酒熟臥聞糟聲喜而得句治麪辛勤夏竟秋奇功

今日遂全收日華煎露成真液泉脉穿巖咽細流不忍

撥醅斟甕面且教留響在牀頭老懷硯磊行澆盡三徑

黃花兩玉舟 周權蒲萄酒詩曰翠虬夭矯飛不去領

下明珠脫寒露累累千斛晝夜春列甕滿浸秋泉紅數

宵醞月清光轉穠腴芳醴蒸露暖酒成快瀉宮壺香春
風吹凍玻璃光甘迺瑞露濃欺乳麴生風味難通譜縱
教典却鸛鷀裘不將一斗博凉州 楊維禎紅酒歌楊

子渴如馬文園宰官特賜桃花源桃花源頭釀春酒滴
滴真珠紅欲然左官忽落東海邊渴心鹽井生炎烟相
呼西子湖上船蓮花博士飲中仙如銀酒色未為貴令
人長憶桃花泉膠州判官玉牒賢憶昔同醉瑤林筵別
來南北不通問夜夢玉樹春風前朝來五馬過陋廛贈

以同袍五色彩副以五鳳樓頭牋何以澆我磊落抑塞
之感慨桃花美酒斗十千垂虹橋下水拍天虹光散作
真珠涎吳娃鬪色櫻在口不放白雪盈人顛我有文園
渴苦無奏曲鴛鴦絃預恐沙頭雙玉盡力醉未與長瓶
眠徑當垂虹去鯨量吸百川我歌君扣舷一斗不惜詩
百篇 明邵寶雪酒詩為孫司徒賦曰玄酒曾聞侑大
烹釀來寒雪品尤清也知承露能高致須信藏冰為曲
成光重夜杯如有物暖銷春甕本無聲相看莫謂人間

味一滴先天萬古情 王釐酒熟志喜常年送酒媿諸
隣斗覺今年富十分水法特教擔柳殺麴材先已謝桐
君牀頭夜滴晴堦雨甕面香浮暖閣雲莫笑陶公巾自
漉年來正策醉鄉勲 李漁弟洛以襄陵酒方見示如
法釀造良佳賦此答意襄陵自昔稱名酒猗氏於今得
秘方傳示故園知汝意釀成新味與誰嘗金盤滴露冷
冷白玉椀浮春冉冉香倚甕題詩寄吾弟西齋風雨憶
聯牀

原引梁朱异田飲引曰卜田宇兮京之陽面清洛兮背
修邨屬風林之蕭瑟值寒野之蒼茫鵬紛紛而聚散鴻
冥冥而遠翔酒沈兮俱發雲沸兮波揚豈味薄於東魯
鄙蜜甜於南湘於是客有不速朋來遠方臨清池而滌
器闢山牖而飛觴促膝兮道故久要兮不忘間談希夷
之理或賦連翩之章

原賦漢鄒陽酒賦曰清者為酒濁者為醴清者聖明濁
者頑駭皆麴洊丘之麥釀野田之米流光醴醴甘滋泥

泥醪醴既成綠瓷既啓且筐且漉載筥載泔庶人以為
欣君子以為禮其品類則沙洛綠酈烏程若下齊公之
清關中白薄青渚紫淳凝醪醇酎千日一醒揚雄酒
箴曰子猶瓶矣觀瓶之居居升之涓處高臨深動常近
危酒醪不入口藏水滿懷不得左右牽於縵徽自用如
此不如鴟夷鴟夷滑稽腹大如壺盡日盛酒人復借酤
常為國器託於屬車出入兩宮經營公家由是言之酒
何過乎魏曹植酒賦曰余覽揚雄酒箴辭甚瑰瑋頗

戲而不雅聊作酒賦粗究其終始嘉儀氏之造思亮茲
美之獨珍仰酒旗之景曜協嘉號於天辰穆生失禮而
辭楚侯嬴感爵而輕身其味有宜城醪醴蒼梧縹青或
秋藏冬發或春醞夏成或雲沸川涌或素蟻如萍爾乃
王孫公子俠遊翱翔將承歡以接意會陵雲之朱堂獻
酬交錯宴笑無方於是飲者並醉從橫謹譁或揚袂屢
舞或扣劍清歌或嘖蹴辭觴或奮爵橫飛或歌驪駒既
駕或稱朝露未晞於斯時也質者或文剛者或仁卑者

忘賤窶者忘貧於是矯俗先生聞之而歎曰噫夫言何容易此乃淫荒之源非作者之事若耽於觴酌流清縱佚先王所禁君子所斥 魏王粲酒賦曰帝女儀狄旨酒是獻苾芬享祀人神式宴辨其五齊節其三事醒沈盜泛清濁各異章文德於廟堂協武義於三軍致子弟之孝養糾骨肉之睦親成朋友之歡好贊交往之主賓既無禮而不入又何事而不因賊功業而敗事毀名行以取誣遺大恥於載籍滿簡帛而見書孰不飲而罹茲

罔非酒而惟辜昔在公旦極茲話言濡首屢舞談易作難
大禹所忌文王是艱 晉張載鄴酒賦曰惟聖賢之興
作貴垂功而不泯嘉康狄之先識亦應天而順民擬酒
旗於元象造甘醴以怡神雖賢愚而同好似大化之齊
均物無往而不變獨居舊而彌新經盛衰而無廢歷百
代而作珍若乃中山冬啓醇酎秋發長安春御樂浪夏
設縹蟻萍布芬香酷烈垂嘉稱於百代信人神之所悅
未聞珍酒出於湘東丕顯於皇都乃潛淪於吳邦往逢

天地之否運今遭六合之開通播殊美於聖代宣至味而大同匪徒用法之窮理信泉釀之所鍾故其為酒也殊功絕倫三事既節五齊必均造釀以秋告成以春備味滋和體淳色清宣御神志導氣養形遺憂消患適性順情言之者嘉其美志味之者棄事忘榮於是糾合同好以邀以遊嘉賓雲會矩坐四周設壘樽於南楹酌浮觴以施流備鮮肴之綺錯進時膳之珍羞禮儀攸序是獻是酬頽頽微發溢思凱休德音晏晏弘此徽猷咸得

志以自足願棲遲於一丘於是歡樂既洽日薄西隅主
稱湛露賓歌驪駒僕夫整駕言旋其居乃憑軾以迴軌
騁輕駟於通衢及衡門以隱跡覽前聖之典謨感夏禹
之防微悟儀氏之見疎鑒往事而作誡罔非酒而惟愆
哀秦穆之既醉殲良人而棄賢嘉衛武之能悔著屢舞
於初筵察成敗於往古垂將來於茲篇 素山松酒賦
曰素醪玉潤清醕淵澄纖羅輕布浮蟻競升泛芳樽以
琥珀馨桂發而蘭興一歡宣百體之關一飲蕩六府之

務增皇甫湜醉賦曰沉湎於酒有晉之七賢心遊於
夢境隨於烟六府漫漫四肢綿綿逶隨津淳陶和渾鮮
遺天地之濶大失膏火之銷煎寂寂冥冥根歸復樸居
若死灰行猶飄慙車屢隨兮無傷首鎮濡兮不覺機發
而動寃交而合暝文字之醇味反騷人之獨醒曾不知
其耳目尚何懼於雷霆偶四體以合莫歸一元而億寧
麴蘖氣散竹桂滋已百慮森復七情紛始風飄火熱矜
誇跼跂嗟害馬之驟還顧息肩兮未幾蘇門子聞而笑

之曰子之於道其醯雞歟彼至人者天地根性情虛披
雲衆萬脫遺窠區分猶象人心冥太初故大患乃失而
至道可居也乃今假荒惑之具沉耳目之機其解須臾
憂患繁滋中心不可損外患生之為疔為毒為狂為醺
負責之道陰陽戾違束乎巫醫歐乎有司辱身滅名痿
肺淫支狼狙踈蹶為大人嗤不得盡年玉色光衰曾不
如覩無醉時使人困苦如斯 陸龜蒙中酒賦曰書編
百氏病載千名將有濱於九死諒無敵於餘醒窻間落

月枕上殘更意欲問而無問夢將成而不成愛靜中而人且語愁曙後而雞已鳴才遭轡轡適別恩情屈大夫之獨醒應難共語阮校尉之連醉不可同行氣縷支綿神雜色沮前歡已誓於拋擲往事空經乎思慮有馘卓擒伶之伍我願先登有殛狄放杜之君臣能執御聿當拔酒樹平麴封培仲榼碎堯鍾先刊美祿次削真龍編虎鬚者寧教畔去持蟹螯者不要相逢欲倚還眠將詞又默深窮寂寞之境別有淒涼之域黃昏細雨迷途而

不到長亭白晝繁花失意而初歸故國背枕求穩牽幃

就黑愁應平子分與渴是相如傳得感物逾嗟懷人有

惻冠纓不遇杯按空陳徒殲鷺鷥之髀浸費猩猩之唇

牛心表異熊掌稱珍剪雲夢

豈音

採泮宮并周子之菰

向晚庾郎之薤初春加以歐川桂蠹穎谷榆人雖馳心

於萬品且忘味於茲辰或乃強迎賓友力答牋書落魄

不啻壓伊有餘檐榆猶嬾整解散固慵梳卜士蔚專諷

蝦蟆誠堪竊笑莊周子化為蝴蝶實是憑虛客曰雖鯖

鮮能珍微風可折豈比夫榴花竹葉之味酈水之清中
山之碧必能醺骨醅顏潛消暗釋况前覆乃後車之驚
獨行為衆人之倚不然吾將受教於聖賢敢忘歡伯

原箴晉劉惔酒箴曰爰建上業曰康曰狄作酒於社獻
之明辟仰郊昊天俯祭后土歆禱靈祗辨定賓主啐酒
成禮則彝倫攸叙此酒之用也 增唐皮日休酒箴曰
皮子性嗜酒雖行止窮泰非酒不能適居襄陽之鹿門
山以山稅之餘繼日而釀終年荒醉自戲曰醉士居襄

陽之洞湖以艗艗載醇酎一甌往來湖上遇興將酌因
自諧曰酒民於戲吾性至荒而嗜於此其亦為聖哲之
罪人也又自戲曰醉士因箴以自警箴曰酒之所樂樂
其全真寧能我醉不醉於人

原讚東晉戴逵酒讚曰余與王元琳集於露立亭臨觴
撫琴有味乎二物之間遂共為之讚曰醇醪之興與理
不乖古人既陶至樂乃開有客乘之隄若山頽目絕羣
動耳隔迅雷萬異既冥惟無有懷

原頌魏劉伶酒德頌曰有大人先生以天地為一朝萬
期為須臾日月為牖戶八荒為庭衢行無輒迹居無室
廬幕天席地縱意所如止則操卮執觚動則挈榼提壺
惟酒是務焉知其餘有貴介公子搢紳處士聞吾風聲
議其所以乃奮袂攘襟怒目切齒陳說禮法是非鋒起
先生於是捧甕承槽銜杯歆醪奮髯箕踞枕麴藉糟無
思無慮其樂陶陶兀然而醉恍爾而醒俯視萬物擾擾
焉如江漢之載浮萍二豪侍側焉如果羸之與螟蛉

原誥晉江統酒誥曰酒之所興肇自上皇或云儀狄一
曰杜康有飯不盡委餘空桑鬱積成味久蓄氣芳本出
於此不由奇方

原戒晉庾闡斷酒戒曰蓋神明智慧人之所以靈也好
惡情欲人之所以生也明智運於常性好惡安於自然
吾以知窮智之害性任欲之喪真也於是椎金蠹碎玉
椀破兕觥損觥瓚遺舉白廢引滿使巷無行榼家無停
壺剖樽折杓沈戾銷鑪屏神州之竹葉絕縹醪乎華都

言未及盡有一醉夫勃然作色曰蓋空桑珍味始於無
情靈和陶醞奇液特生聖賢所美百代同營故醴泉涌
於上世懸象煥乎列星斷蛇者以興霸折獄者以流聲
是以達人暢而不壅抑其小節而濟大通子獨區區檢
情自封無或口閉其味而心馳其聽者乎庾生曰爾不
聞先哲之言乎人生而靜天之性也感物而動性之欲
也物之感人無窮而情之好惡無節故不見可欲使心
不亂是以惡跡止步滅影即陰形情絕於所託萬感無

累乎心心靜則樂非外唱樂足則欲無所淫惟味作戒
其道彌深賓曰唯唯敬承德音

原啓梁劉孝儀謝東宮賚酒啓曰異五齊之甘非九醞
之法屬車未曾載油囊不得酤試儔仙樹葛元泥首才
比蒲桃孟他銜壁固知託之養性妙解怡神擬彼聖人
差得連類 又謝晉安王賜宜城酒啓曰孝儀啓奉教
垂賜宜城酒四器歲暮不聊在陰即憐惟斯二理總萃
一時少府闢猴莫能致笑大夫落雉不足解顏忽值瓶

瀉椒芳壺開玉液漢樽莫遇殷杯未逢方平醉而遁仙
義和耽而廢職仰憑殊塗便申私飲未囑壘恥已觀情
岬傾耳求音不聞霆擊澄神密眊豈覩山高愈疾消憂
於斯已驗遺榮忽賤即事不欺醅酊之中猶知銘荷不
任云云


原論晉杜預酒論曰重醞醇醴沃土泉清甜苦無常五
味相并

增書梁陳暄與兄子秀書曰具見汝書與孝典陳吾飲

酒過差吾有此好五十餘年昔吳國張公亦稱耽嗜吾
見張公時伊已六十自言引滿大勝少年時吾今所進
亦勝於往日老而彌篤惟吾與張季舒耳吾方與此子
交歡於地下汝欲天吾此志耶昔阮咸阮籍同遊竹林
宣子不聞斯言王湛能元言巧騎武子呼為痴叔何陳
留之風不嗣太原之氣歸然翻成可怪吾既寂寥當時
朽病殘年產不異於顏原名未動於卿相若不日飲醇
酒復欲安歸汝以飲酒為非吾以不飲為過昔周伯仁

渡江惟三日醒吾不以為少鄭康伯一日三百盃吾不
以為多然洪醉之後有失成廝養之志是其得也使次
公之狂是其失也吾嘗譬酒猶水也可以濟舟亦可以
覆舟故江諮議有言酒猶兵也兵可十日而不用不可一
日而不備酒可千日而不飲不可一飲而不醉美哉江
公可與同論酒矣汝驚吾墮車侍中之門陷池武陵之
第遍市朝野自言憔悴丘也幸苟有過人必知之吾平
生所願身沒之後題吾墓云陳故酒徒陳君之神道若

斯志意豈避南征之不復賈誼之慟哭者哉何水曹眼
不識孟鑑吾口不離瓢杓汝寧與何同日醒與吾同日
而醉乎政言其醒可及其醉不可及也速營糟丘吾將
老焉



御定淵鑑類函卷三百九十三